

“Gaj Gaeq”

“杀鸡”

贵港市覃塘区蒙公乡高占小学三(2) 韦飞扬



Ngoenzneix banngaiz, dax-meh roengzban ma ranz couh buet haeuj ranzbakcauq nyaengq hwnjdaeuq.

Gvaq yaep ndeu, “a” sing hemqgetget ndeu daj ranzbakcauq cienz okdaeuq. Gou lienzmuengz cung haeuj ranzbakcauq, simgip dwk cam:

“Daxmeh, mwngz baenzlawz yiengh ne?” Daxmeh lumj mbouj miz saeh ityiengh naeuz: “Mbouj miz gijmaz saeh, cij dwg heh di naeng fwngz, aeu canggojdez daeuq bau ndei couh ndaej lo.” Gou sikhaek buet bae ndaw rug ra canggojdez, saeqsim bang daxmeh dawz gij sieng bau ndei. Daxmeh lub gyauej gou, riu dwk naeuz: “Daeg lwg ha, ngoenzneix daxmeh “gaj” duz gaeq he lo.” Gou dauqcawq yawj, yi, gizlawz miz duzgaeq ne? Gou angq cam daxmeh: “Duzgaeq cuengq youq

gizlawz ha? Gou ndaej gwn gagaeq ba?” Daxmeh riuhaha naeuz: Siengj gwn lai, lwgfwngz gou couh dwg “duzgaeq” ha!

A? Gou gig geizheih, daxmeh vih gijmaz gangj lwg-fwngz swhegij couh dwg duzgaeq ne? Daxmeh lwnh gou, neix dwg vah bouxlaux raeuz gangriu daeuq lwgnyez, youq ndaw Vahcuengh cungj vah neix lij miz haujlai ne!

Daxmeh “gaj” duzgaeq neix caen hawj gou dem cihisiz lo. (指导老师: 韦彩芳)

Dwk Yijmauzgiuz

打羽毛球


贵港市覃塘区蒙公乡高占小学 三年级 苏婷婷

Mwngz ngoenznaengz gyaec guh gijmaz yindung ne? Gou bingzseiz ceiq gyaec dwk yijmauzgiuz.

Cij aeu mbwnrenx, moix haemh gwn caeuz gvaq, gou cungj aeu caeuq daxboh itheij youq gyanghonz dwk yijmauzgiuz. Ngamq dwk seiz, gou lienz giuz hix mbouj rox fat, engq mbouj rox cieq giuz lo. Yijmauzgiuz lumj caeuq gou doiq dig ityiengh, gou ngamq aeu cieq, de couh daj henz banj gou mbin gvaqbae, baenzlawz fatgiuz, aen giuz cungj fat mbouj ndaej gvaqbae. Hai, yawjraen bouxwnq dwk giuz dwk ndaej gig sang, cungj mbouj feiq rengz,

hoeng daengz gou baenzlawz couh baenz nanz ne? Gou caen miz di simcit, caen mbouj siengj dwkgiuz lo……Daxboh lumj yawj ndaej ok aen sim gou couh itmienh buenx gou dwk giuz, itmienh bang gou dajheiq naeuz: “Ngoenzneix mwngz cinbu haujlai lo, cij aeu mizsim dwk, gangj mbouj dingh lij ndaej baenz seiqgyaiq daih’it ne!”


Daxboh naihsim son gou fatgiuz, cieq giuz, gou miz saenqsim lo. Ciemhciemh dwk, gou gyaec hwnj dwk yijmauzgiuz lo, saek seiz lij ndaej hingz daxboh ne. Hoeng, gou ndaw sim gag rox, neix dwg daxboh daegdaengq saw hawj gou. Gou



caegcaeg roengz gietsim: Gou itdingh aeu roengzrengz, baenz boux dwk yijmauzgiuz caencingq ak ndeu.

Doenggvaq dwk yijmauzgiuz, gou mboujdanh ndaej lienh ndangdaej, lij rox aen dauhleix ndeu: Gwnz biengz mbouj miz saeh nanz, cij aeu mwngz haengj bae guh.

(指导老师: 覃珍团)



Duzmoed

蚂蚁

贵港市覃塘区蒙公乡高占小学三年级 李彩英

Aen ndang ndaemndongq, song diuz mumh youh saeq youh raez, neix couh dwg duzmoed iq.

Youq henz dinciengz ranz gou, miz rongz moed ndeu. Gou baez cuengqhag dauqma, couh maeuq youq henz ranz sijsaeq yawj duzmoed, mizseiz gaem faex iq daeuq nyauxluen aen rongz gyoengqde, dawz bang moeg faensanq bae, hoeng, mbouj geij nanz, gyoengqde youh comz youq guhdoi lo; mizseiz gou youh buet ma ndaw ranz aeu gij bingj ndeigwn daeuq gueng gyoengqde, hainduj miz duz moed iq ndeu fatyienh lo, de cijdwg nyuouq le youh nyuouq, lumjbaenz genjaz gijgwn dwg mbouj dwg ancienz. Gvaq yaep he, rox mbouj miz yungyiemj seiz, couh cimz geij gaemz, rox feihdauh mbouj loek, couh buekmingh aeu gaeu bae dingj, siengj dawz gij bingj buen baema, hoeng, bingj daiq naek lo, de saedcaih doi mbouj doengh, couh cienq deuz lo. Gou siengj: Gij bingj youh rang youh ndeigwn, duzmoed baenzlawz mbouj gwn ne? Gou cingq siengj dwk, couh raen duzmoed baenz bang baizdoi raih gvaqdaeuq lo. Yenzlai dwg duzmoed iq haenx baema ra doihaeuq buen bingj ha. Bang moed iq itheij dawz aen bingj haeb baenz geij faenh, caiq baez di baez di buen ma ndaw rongz bae.

Gou raen ndaw saw gangj gvaq, duzmoed aemq ndaej gij doxgaiq beij swhegij naek 6 boix, caen ndaej gangj duzmoed dwg doenghduz gwnz seiqgyaiq rengz ceiq hung ne!

Gou nyaenx mbouj ndaej danqhaenh: Doenghduz iq ha doenghduz iq, siengj mbouj daengz mwngz ndang iqet, cix comz baenzlai rengz ha.

(指导老师: 覃珍团)



Seizcou Caen Gyaеundeі

美丽的秋天

贵港市覃塘区蒙公乡高占小学三年级 李燕萍

Seizhah daeggo laeglemx dwk byaij deuz lo, seizcou dahsau naengh maxci angqvauvau dwk daeujaengz lo.

Seizcou dahsau byaij daengz ndaw ndoengfaex, mbaw goraeu rongz geu buh hoengzfwgfwg, mbawraeu youq gyangmbwn diuqfoux fifi, mbouj yaephe couh diuq daengz lajdin gofaex daxmeh lo. Siujbaengzyoux youq gwnz mbawraeu unqnemnem haenx fan dingjdaeuq, guh’angq……

Seizcou dahsau byaij daengz henz dah, go faexliux daenj hwnj geu buh

hengim, ciuq gingq roi bwngyaeuq ne!

Seizcou dahsau daeujaengz suenmak, yawj ha! Makgyoiq vad aenruz iq gungjnetget gvaqdaeuq lo; makndae naengh aen giceh luenzlulu hai daeuq lo; mak siglouz itmienh buet itmienh riu dwk, baeg daengz bak aj lo; makleiz itdingh dwg daj gyanghwnz ganj daeuq, aenvih gwnz ndang de lij nem miz saekhenj ronghndwen; mak bingzgojcouh lumj dahsau lau nyoj nei, buet ndaej daengx ndang fat ndat, daengx naj hoengzfwfwf; makit hix

vuenh hwnj buh saekaeuq daeuq camgya seizcou dahsau aen hoih neix lo, caen nauhyied ha!

Seizcou dahsau daeuq daengz gyang doenghnaz, yawj! Haeuxyangz dahnuengx sim’angq lai lo, de daegdaengq vuenh geu buh hengim rwgrwg, angqcoux seizcou dahsau daeujaengz. Yo! Megmax daeggo baez raen seizcou dahsau daeujaengz, couh lumj gwn laeuq nguiz ityiengh, ngiengx naj hoengzndaem, ngauz gyaеuq ciengqgo: “Dahnuengx mwngz mbeihung byaij bae naj……” Nazhaeux baihaenx, langhaeux fanfog, dauqcawq nyuouq daengz heiqrang fungsou. Raq rumzcou ci daeuq, nungzminz daxau daxheiz daeuq gvej haeux lo, gyoengq lwgnyez youq ndaw rumz fungsou diuq ha hemq ha……

A! Seizcou caen gyaеundeі, gou gyaec seizcou!

(指导老师: 覃珍团)